

APPENDIX

ad

HISTORIÆ

Animalium Angliæ

Tres Tractatus, &c.

Continens

Addenda & Emendanda.

*Prima laus est humanæ sapientiæ, valde
Similia posse distinguere. Aristot.*

EBORACI:

Sumptibus Authoris, M. D C. LXXXI.



THE
JANUARY 1881

LECTORI S.

IN medijs morbis ipso versor : qui admodum valetudinarius sum ; mihi autem in his exercitiis periculosum occupato interdum occurrunt quedam in rerum natura nova : atq; hæc equidem animi & delectationis causâ obiter notare soleo, & posteris libenter indicarem : at infirmo festinandum est, atq; ea Appendicis ratio est. Demde non nulla in ipso libro, non ita pridem à me edito, Emendanda sunt. Hæc autem cum semel animadverti, nolo alicui fraudi sint. His adde, si eadem elegantia, & præclari Artificis studium in universis Figuris, olim exhibita fuisset, ac quæ in hac Tabulâ, cum Appendice jam nunc editâ, eximia est, de verbis minus sollicitus essem. siquidem in picturis venustis, certè Historiam Naturalem quod attinet, præcipua doctrina & magna eruditio est.

1

The first of these is the fact that the
the second is the fact that the
the third is the fact that the
the fourth is the fact that the
the fifth is the fact that the
the sixth is the fact that the
the seventh is the fact that the
the eighth is the fact that the
the ninth is the fact that the
the tenth is the fact that the

De Araneis addenda & Emendanda.

pag. 2. ad lineam 11.] Araneus dividitur in duo maxima segmenta quæ Thorax & Venter sunt, ex horum mediâ commissurâ exurgit Genitale, cum articulo uno intortum, nigricans, & formâ referens muscæ aculeum. Severin. Zootomia. Caput autem ipsi Thoraci haud ullâ notabili commissurâ in omnigenis araneis inseritur.

pag. 4 l. 12] adde, quantum Scio.

pag. 6. l. 15.] mares autem plerique, etiam è retiariis, ferè venatorii sunt.

pag. 18 l. 14] Tela aranej imposita sanguinem sistit; vulnera quæ Summam cutem occuparent, ab inflammationis injuria vindicat. Diosc.

pag. 29, l. 14] lege, caudâ ferè nigris &c. id autem verbum ex propriâ observatione non addo, nam in nullo, quantum vidi, ea puncta defuerunt, sed illam exceptionem pono ex monitu D. Ray viri his rebus peritissimi.

pag. 37. l. 7.] supra quos retia aliquando transversim &c. *ibid. l. 8.]* item *ibid.* à Majo Mense, id genus Insectorum quod à quibusdam *Libella* nominantur, in reticulis conficiunt.

pag. 42. l. 24.] Araneus Colcestrensis Pennii apud Monfeum.

pag. 44. l. 12.] hic, an proximè superior, omnium, &c,

pag. 82. l. 15.] hunc tamen in Genistâ Spinosâ Iulio
exceunte etiam circa Eboracum satis frequenter inveni.

pag. 87. l. 5.] an Vivipari ? quod Valdè suspicor.

pag. 95.] de Araneorum binocularum ortu aliquid,
at valde imperfectum, legimus apud Godartium Batavum.
Exp. 49. Part 2. Editione Latinâ.

pag. 89. lib. 13.] imò medio Iulio, scilicet quasi
jam jam natos : item exceunte Majo admodum grave-
cunt.

pag. 47. l. 29.] 6. Ille parit Majo, hic Augusto
exceunte.

De Cochleis in Genere Addenda & emendanda.

pag. 104. l. 3.] intorquetur, huic rei fidem facit
illud experimentum ; scilicet, si levitèr tantum turbinem
coquas, integra caro è testa facillè educitur : at id multò
difficilius fit è musculo aut Ostreo cocto.

pag. 108. l. 18.] Terrestres Cochleæ stomacho utiles
sunt, & non facillè corrumpuntur, Dioscord.

Idem ; crematæ omnium Cochlearum testæ calcifi-
endi & urendi naturam sortiuntur.

Proxiimè

proximè post Titulum, xvii. hunc
novum Limacem infere.

Limax quartus, subrufus, montosus.

Tit.

Is magnitudine reliquisq; notis proximè superiori ^{De se}
par & similis est. At hujus color ex toto differt, si-
quidem rufus est, sive ex fulco ruber: Ipse venter
flavescit. idem puta de minimis, Maximisq; sub palliolo
calculum non inveni.

Hi Limaces admodum frequentes sunt circa *Am-
ber* regionis montosæ agri Eboracensis: atros Limaces
ibidem quoq; inveni; sed paucos quidem præ rufis jam
descriptis.

Nolo hic oblivisci ejus ingentis Limacis rufi, quem
mediis lucis Hortij regij ad ædes *Versallienfes* in Gallia
medio Augusto nuper vidj. is in rependo, scilicet corpore
in longitudinem exerto, sex digitos minimum implevit,
cui corporis etiam crassities ex proportionem respon-
debat, ejus color ex aureo paululum nigricante eleganter
rufescebat. Dissecto ejus encullo, nullum omnino calcu-
lum inveni; adeoq; à nostris planè alia species est.

pag. 135. l. 7] Cochlea fluvialis virus olet. Diosc.

pag. 144. l. 15.] Novis experimentis capris, illum
humorem coccineum ex ipso ano, excerni suspicor, si-
quidem hujus, sicut aliarum cochlearum, anus ad dextram
colli aperitur, &, nisi fallor, ab eo semper latere primum
se ostendit Coccum, si aciculâ, leviter pungatur bestu-
ola.

pag. 146.] Caput de musculis fluvialibus ex toto
restituendum est: siquidem, magnâ diligentia adhibita,
jam horum sex species in aquis nostris dulcibus, repe-
tas esse agnosco.

Caput.

Caput. 1.
de Musculis Aqua dulcis.

Titulus. xxx.

*Musculus latus maximus, testâ admodum tenui,
ex fusco viridescens, palustris.*

Chamæglycimeridi similis, sed majoris Mituli species: Aldrov. de Testaceis. l. 3. pag. 472. ubi etiam figuram ad modum similem videbis.

Disr. An Chamaglycimeris Margaritifera Velsciri. Ephe-
merid. German. Anni 3. Observat. 36.

Ei latitudo serè ad duas Uncias & dimidium, longi-
tudo quinquuncialis est, alios habui ad quinq; un-
cias, & dimidium longos; horum tamen testa & tenuis,
è levis est: siquidem binæ testæ, sive valvæ alicujus
è maximis hujus generis musculis, ab omni carne pur-
gata, tantum scrupulum unum supra quinq; drach-
mas pendebant. Testa quodammodo pellucida est & extra
levitè virescit: ex internâ verò parte ex argento re-
splendet. Umbo ex internâ parte, ubi valvæ conjungu-
untur, parum aut nihil eminet ullo conspicuo denticulo,
aut pinnâ.

ipsius piscis caro subrusa est.

Hi

Hi Musculi rarò extra paludes, aut in fluvijs inveniuntur ; at in plerisq; paludibus nostris copiosissimè. ut in lacu *Semoore* *Mar* dicto, in *Pottery Carr* juxta Doncaster ; item juxta *Sawterforth* agri Cravenensis, & alibi agri Eboracensis.

In vetustioribus aliquibus Testarum interna pars aspera & inequalis est, velut verruculis quibusdam distincta, ad magnitudinem papaveris seminum. Harum autem Verrucarum nonnullæ vel levitèr tactæ decidunt, at pleræq; testis admodum firmitèr adhærent : hæc sane testarum vitia sunt : an vero eadem Margaritæ habendæ sunt, alij judicent.

Illud autem à Plinio proditum est, uniones reperiri solere rufos, & parvos in conchis, quas Myas appellant: recentiores multi idem confirmant. Ita Velscius, loco supra citato, de quibusdam Musculis lacustribus quos ex figurâ depictâ nostros esse conjicio.

In lacu, inquit ille, non longè à Vienna Austriæ Musculi pictorij sunt, è quibus dissectis Margaritas non paucas ipsi eximus, quarum pars valvarum interiori superficie, ob id asperæ, fixa est ; pars sponte exciderat, & in carne latebat : coloris tamen non albi, sed subflavi, & subobscuri, quem splendor quidam argenteus illustrabat.

See the Ad-
ditionall
Notes of D.
B. Sr. H.
Ploes Jewel-
House.

E nostris etiam scriptoribus olim sic quidam, Anonymus. Hi alijs Musculis Fluviatilibus paulo minores sunt, & magis nigricant. An intelligendum sit de aliquo è sequentibus. Ex ijs in agro *Buckinghamiensi* aliquot vidi: at in Fluvio *Clun* dicto agri *Salopiensis* præcipuè abundant. Ex ijs autem ipse *Margaritas* exemi, illudq; perpetuum esse didici; Scilicet, Eos tantum musculos, *Margaritas* in se continere; qui extrà inequales & asperi, velut nodis interstincti: læves rursum illis omninò vacuos fuisse.

Tit. xxx.

Lead da.
Musculus, tenuis, minor, latiusculus.

Hic *Musculus* tenuis quidem est; at superiore multò crassior ponderosiorq;: etiamsi longitudine tres digitos, & dimidium raro excedat, latitudineq; ferè duos impleat. Cætera admodum similis est, ut illum à superiore vix distinguere licet.

Euse.

Hos *Musculos* copiosè invenimus in fluvijis *Ayer* & *Rible* dictis agri *Cravenensis*: item in fluvio *Ture* juxta *Rippon* & alibi.

Ln.

In limo arenoso ita se collocant. Valvarum cardines sursum spectant, earumq; oræ tenuiores intra limum profundè dimittuntur, & ferè ex toto conduntur, exceptâ alterâ extremitatis obtusioris exiguâ parte; at in eâ caput animalis; adeoque illa, valvis scilicet modicè diductis, ferè semper rimulam facit, quâ notâ eos expiscari expeditum est.

Hj

Hi Musculi cornici victui sunt : quæ ut piscem eximat, rostro valvas tenues confringit : adeoq; hæc Avis aquas frequentat, & à reliquis id genus Avibus propterea ab aqua cognomen Anglicè accipit.

Tit. xxxi

Musculus niger, omnium crassissima & ponderosissima Testa. conchæ longæ species Gesn. Aldrov.

Hic Musculus 5. digitos & dimidium longitudine, tres Desc. verò latitudine implet. integra testa, à pisce purgata circiter sex uncias pendebat : Ostrea crassitie comparandus est. Denticulus qui in cardine, multum eminet, lævis & acutus est, ad instar apicem alicujus canini dentis. In medio ferè ambitu adversus cardinem sinuatur, atque illa quidem est altera, & præcipua distinctionis nota.

In profundis voraginibus Fluvij *Tees* agri Ebo- Loc. racensis non longè à *Dinsdaell* rete aliquando expiscatur.

De hac autem conchâ hæc habet Gesnerus, & ex illo eadem Aldrovandus transcripsit, de Aquatilibus lib. V.

Conchæ longæ species, (inquit ille) etiam in dulcibus aquis reperitur : cujus testam alteram, parte ejus internâ expressam hic exhibemus ; alteram non vidi sed binas similes esse puto, & ginglymo articulari conjunctas. Superficies externa scabra est, quâ adempta, interior candidat, margaritifera conchæ instar. Et, si bene memini, in his etiam conchis Margaritas exiles inveniri ajunt.

Tit. xxxii.

*Musculus angustior, ex flavo seu viridi nigricans
cardinis pinnâ sive denticulo bifido, serrato.*

Dise.

Huius longitudo circiter uncias tres, & dimidium; latitudo ad unciam unam, & dimidium: atque huius quidem mensuræ utraq; Testa, à pisce purgata, drachmas septem & triginta quinque grana pendebant: hinc de crassitie Testæ conjecturam facere licet. Color ex albo viridescit, & serè infuscatur: ejus altera extremitas multum ab umbone producitur.

Uterque verò Umbo ad Cardines acuti, & paululùm eminent. ipsi cardines sinuosi & velut pinnâ sive denticulo bifido & serrato donantur: & iam cavitas interna ad cardines sinuosa & inequalis est.

Ipsius Animalis caro paulò albidior est, quàm in aliquibus, è superioribus.

Loc.

Hi in Fluvio Ouse & Fosse juxta Eboracum copiose inveniuntur: item in Fluvio Nid.

Margarita

In his verò, sicut in universis Musculis nostris, duo sunt crassa & valida ligamenta nervosa, unâ atq; alterâ concharum extremitate disposita, per quæ ipsum Animal valvis suis adhæret, quibusq; median-
tibus eas aperit, clauditq; horum autem ipsorum ligamentorum Capitibus, quâ scilicet valvis adhærent circiter XVI. Margaritas in uno musculo inveni, à magnitudine papaveris, ad pipiris grana. ex minoribus verò aliquot fuere admodum rotundæ; cæteræ autem majusculæ, asperæ & inequales.

Hæc sanè senescentium Musculorum vitia sunt: nam in medicoribus multis dissectis non unam quidem Margaritam inveni. adde quòd in imis ligamentis hæ Margaritæ velut Thecis dispositæ fuerunt: non aliter, quam cal-
culi

culi in renibus. aut aliàs in animalium sanguineorum carne nati. In reliquo autem pisce nihil inveni: illud tibi manifestius patebit, si parum coquantur muscoli, & non crudi dissecantur.

Horum Musculorum aliarumve Cochlearum testæ si in acri lixivio coquantur ; earum exteriores, & decolores membranæ sepeari possint : primum scilicet mollis & colorata membranula abstrahitur ; deinde, alius cortex ex media materia cretacea, abradendus est, sub quo Margaritarum splendor totam utrinque testam occupat.

Concharum sic purgatarum pulvis in usu medico, ipsarum Margaritarum locum optimè, ut opinor, supplere possit : sanè, quantum scio, accommodatissimus est ad medicamenta quævis, in quibus requiruntur, vel ipsæ Margaritæ, vel oculi cancerorum dicti, vel ipsum corallium.

Titulus. xxx iii.

Musculus ex viridi pallidus, omnium Angustissimus, cardinis altero denticulo, quasi continuo, serrato.

Hic Musculus crassiusculus, & à proximè superiore his notis præcipuè distinguitur, nam ei in multis valdè similis est. 1. Hic ferè multò minor est. 2. Ex viridi pallescit, cùm ille superior ex viridi nigricat. 3. Hic multò Angustior est, ut cuius patebit, si duæ testæ æqualis magnitudinis hujus & illius proximè superioris Musculi inter se diligentè conferantur. 4. Hujus cardinis pinna sive denticulus in illo altero superiore Musculo quasi bifidus; omnium sanè certissima distinctionis nota : in utroque verò musculo idem denticulis serratis notatur.

Lec.

In iisdem Fluminibus cum superiore ; at rarior est. Hic, et superiores omnes Musculi, ut ferunt, à Lutrà expiscantur.

Tit xxxiv.

Musculus exiguus, Pisi magnitudine, Subrotundus.

Descr.

Lec.

Ejus magnitudo ferè ad modum pisi alicujus vulgaris est, aliquando nucem mediocrem è corylo equat. Utraque testa intùs foràs, levis, tenuis, pellucida. Ei color Subflavus sive corneus, exceptis ejus extremis oris ; quæ subalbescunt. Ejus Figura subrotunda est : nam singulæ valvæ admodum cavæ sunt, & in dorsum multùm elatæ, & equaliter ab utraq; parte cardinum extenduntur, scilicet, qui ferè in medijs valvis positi sunt, ut ad rotundam Figuram proximè accedat.

In Aquis stagnantibus circa Eboracum copiosè inveniuntur, in fossis autem Paludis, sæpiùs nominatæ juxta *Donscaffer* duplo majores sunt, quam alibi.

De

De Cochleis Marinis addenda & Emendanda.

pag. 105. l. 11.] Marina Cochlea stomacho idonea,
& facile alvo excernitur. Dioscorid.

Ex testis marinis crematis fit calx, quæ arenâ mista
contra aquas, pluviamq; , ut ferunt, admodum durat.
ibidem lib. 27. Ille proximè superior aliquando, at hic
piscès admodum frequenter æstivis certè mensibus, pis-
catorum hamis adhæret, & in litus vivus asportatur, e-
jus raro subirea est.

pag. 157. l. 15.] Dele *minimum*

Line 27.] Atq; ex his buccinis in litus Scarborgen-
se plurima viva, à piscatoribus ab alto mari redeuntibus
rejecta collegi Junio, de ipsâ testâ illud insuper notavi,
ei tantum esse octo spiras; idq; mihi satis jam constat
ex integerrimo Buccino vivo.

Hujus autem Animalis caro albissima est, ut nihil su-
pra. cornicula brevia & acuminata; ad eorum verò
radices maculæ quædam nigrae conspiciuntur, nimirum
singulæ ad singula cornicula; quæ tamen versus ante-
riorem eorum partem, collocantur. ubi autem reliquum
corpus exierit, etiam rostrum simul implet, nescio qua lin-
gua complicatâ, ab inferiore cervicis parte procedente.
hujus autem usum planè ignoro; certè pars corporis mollis
est, & facile cum reliquo introducitur.

Acu

Acu foratus piscis minimè coloratum humorem aliquem emisit,

Huic, ut reliquis Buccinis maritimis, operculum testaceum tenue est.

Pag. 158. l. 5. *White Courvins* apud Scarborgenses dicta.

pag. 162. l. 5.] Huic pisci cornicula acuminata paululum compressa, perinde ut in Buccinis fluviatilibus, ad corniculorum verò radices. est quod protuberat, ubi, puta, oculi ponuntur: dum repit animal, tota testa ipsi operculo insedit.

Hujus excrementa esse admodum exigua notavi, tere-
tia, oblonga, instar alicujus herbæ seminis, puta, Hyperici. Vide supra de Cochleis Fluviatilibus ad *Titulum*, xviii. Et confer.

pag. 169.] *Titulum*, xviii. Sic restitue, viz.

Echinus ex alterâ parte planus, ex alterâ subsphæricus, purpurascens, aculeorum vestigijs parum eminentibus. Anglicè a *Sea Urchin*.

Hi pisces, etiam crudi, veteribus esculenti fuerunt, & in delicijs numerati. id verò totum quod estur, imò quod continent, *Ova* vocatum est, cum scilicet eorum caro in quinque equales partes, naturaliter divisa est.

Hi vivi capiuntur litore Scarborgensi inter scopulos, scilicet magnis maris recessibus.

Ipsum animal crudum & recens, demptis spinis, levitèr quidem purpurascit.

Titulus xix.

Echinus minor angulosus, ex utraq; parte compressus.

*Sca Egg. An echinus Spatagus, sive
brissus Rondil. apud Gesn.*

Is autem superiore Echino multo minor est, scilicet *Disce.* quem seni septemve digiti facillè circumambiunt. huic Figura oblonga est, ex utraq; parte compressa, & ex alterâ paulo crassior est: item huic, certè mortuo (nam vivum nondum vidi) aculei albi, densi, breves, tenuissimi. ubi os est, ibi Testa paululùm prominere, nec rectâ aperitur. Testa verò spinulis nudata, duplici serie foraminulorum, & internodijs quibusdam, sinubusq; aut fulcis admodum venustè interstinguitur. ipsius testæ ambitus inequalis est, quibusdam angulis hic & illic eminentibus.

In sinu *Philoensis* agri Eboracensis copiosè reperiuntur.

Pag. 170, lin. 19.] Adde Tenuis.

pag. 172. l. 18] In proximè autem superiore loco *Hen-Ho Filb* audiunt, ex arenis, magnis maris recessibus, maxime verno tempore, sat copiosè effodiuntur:

Lyc.

tur: caro autem hujus piscis edulis est; at minus aliquibus placet.

Has conchas tandem vivas habui: earumque color naturalis est, qualis à me olim descriptus est. Ex alterâ parte Conchæ ingens velut Mentula exeritur, rigida, aliquid tantulum compressa, etiam cum maxime contrahitur & digitum pollicem crassitie & longitudine excedit; totaq; quanta est è Concha propendit. At illa non eadem pars est, quæ ita à me infra vocatur in Solene. Ipse anus biforatus esse videtur, sive binis orificijs fimbriatis donatus, velut in Solene: an ad aquam recipiendam ejaculandamque alterum; alterum ad excrementa ejicienda. Hujus autem velut Mentulæ sive intestinij recti exerti externa Membrana elegantè crySTALLINA est; at admodum rugosa (nam pedalis est in plenâ extensione) ut inde conijcere liceat, quàm longissimè ea pars ad libitum animalis extendi possit. ista verò pellucida membrana nihil obstat, quò minus nobis non liquido appareat, quàm venuste istud membrum, maxime ad extremam ejus partem, maculis subpurpureis interstinguatur.

[Pag. 172. l. 15.] Dele cretaceum, & adde duriusculum, nam an verè cretaceus is lapis sit, mihi nondum constat.

Ibidem lin. 28: Eisdem & duriores quâvis cretâ lapides in portu *Scarborgensi*, his Conchis foratos inveni.

Mihi autem diligentius saxum examinanti, in quo pholades inventi sunt, id arenosum quid esse putavi. imò illos in cretaceis rupibus marinis, à *Spiton* nominatis, invenire non potui. at melius inquirendum est.

[Pag. 182. l. 4.] Item hæc, aut similia Ostrea Locustis Eboraci venalibus adhaerentia sæpius vidi, & levi coctione facile ab earum testis separavi. antea verò potius univalves visæ sunt. at tum temporis pollicis unguem vix magnitudine implebant, scilicet Mense Junio.

[Pag. 184. l. 17.] Hujus aliqua testa in litore *Scarborgensi*

borgensi. Collecta quinq; digitos à cardine ad imum ambitum implevit, & senos Latitudine habuit.

Pag. 190.

Titulus xxxvi.

Concha rugosa, Tellinaeformis, lineolâ quâdam paululum eminente ab ipso cardine ad imum ambitum donata.

Desc.

Hanc tenuem concham inter Tellinas libenter numero, quod huic etiam Figura angustior longiorq; scilicet longitudo sesque uncialis, latitudo ad digitum unum ex altera parte angulo quodam excutrit in ipso cardine, ex alterâ tellâ Denticulus bifidus elegans. huic striæ five rugæ quædam densæ, transversæ & levitèr eminentes, five asperæ. ex alterâ parte à cardine ad extremum ambitum procedit recta quædam lineola eminens, eaque in acutum quendam angulum, ut diximus producitur. huic testæ color ex albo levitèr rube-
scens. Loc.

Hanc unam Concham vivam inter piscatorum Scarboroughensium retia, ab alto mari redeuntium ipse inveni, cuiusque testam apud me diligentèr servo.

Pag. 192. lin. 3.] *Ho & Hofs Fish*, dict. apud *Philenses* agri Eboracensis.

Ibidem, lin. 4.] Est mihi, quæ octo digitos implet.

Diximus testam utramq; nigro cardine, proximè ad alteram partem disposito, inter se conjungi: Color autem testarum externus etiam in vivis, ex fusco seu viridj

flavescit : huic verò Piscis caro ex toto albescit, & si quæ pars minus alba sit, ea leucophæa est, sive qualis in flore lactis. Ipse autem Piscis intra Concham ita se habet. viz. Ex altera & patientiore parte, quæ contra dictum cardinem posita est, duo orificia rotunda cernuntur, quorum Superior duplo major est inferiore, utrunq; verò velut Sphinctere simbriato clauditur. Diducto verò vel dissecto Cucullo, (nam in multis totum piscem contegit) & bronchiæ duplices & nescio quod membrum velut mentula in conspectum veniunt : id verò membrum quatuor ciciter digitos longum, etiam valde contractum, nervosum, rigidiusculum, obtusum ; ac illud etiam longè extra Concham exeri potest, quod vidj.

Ibidem, *lin.* 15.] Vivi capiuntur arenis *Philoenifus* magnis maris recessibus, qui ad plenilunium accidere solent, maximè mensibus Februario & Martio. Hi autem pisces ex alterâ parte se erigere solent ex arenâ ; quò tempore nullo negotio copiosissimè capi possint ; & noctu ferè ad lumen Candelæ

Ex his autem piscibus dulce jusculum confici solet : & aliquibus in delicijs habentur : ac nostris piscatoribus inter escas tantum numerantur.

Etiam mihi eorum carnem gustantj valdè grata fuit præ Cochlejs maritimjs nostris quibusvis ; ad Locustarum carnem proximè, ut opinor, accedit.

* Est etiam altera Solen in æstuario Fluminis *Severn*, ripâ Wallensi, copiosè (ut mihi relatum est) invenienda. Ex autem testæ, quæ mihi illinc allatæ sunt, & multò angustiores proximè superioribus fuerunt, & quod precipuè notandum est, in dorsum recurvæ : dorsum appello, ubi cardines sunt.

Pag. 195. *l.* 5.] Certè piscatoribus nostris optima esca, & usitatissima est ; & quæ omni anni tempore faciliè paratur.

De Cochliis emendanda, & addenda.

Pag. 205. l. 16.] Si quis Jovis Amonis effigiem hujusmodi lapidum similibus coruibus insignitam videre desideret, *Patini Numismata* consulat. *Theaur. Numismat.*

Pag. 137. l. 27] In ipsis rupibus maritimis *Phil Briggs* dictis, hi magnitudine & frequentia conspicui sunt : item inter hos alteram pleniorē testam ibidem frequentè observare licet : unde bifores esse eos non ampliùs dubito.

Ibidem. l. 31.] Quàm superiores illi *Huntingtonenses*.

Item eisdem *Ostracitas* in albidâ quadam arenâ ipso itinere juxta *Elliker*, ejusdem agri *Eboracensis*, unâ cum *Belemnite* nigro copiosè invenimus.

Diurnas sanguinis rejectiones sistit *ostracites* lapis, pondere *drachmæ unius* cum aquâ. *Dioscor. parabil.*

Pag. 229. Tit. xxxiii.

Solenites.

Des.

Multi longitudine dodrantes, imo aliquot pedales & supra, cum verò vivi solenes ex æquo lateſcant, hi lapides ex alterâ parte, duos pluresve digitos patent. Crassi sunt supra fidem, ad duos interdum digitos, ex his plerosq; bifores eſſe notavi. è quodam lapide albedo, ſive ſelenite in ſaxo arenolo conſtabant.

Lit.

In ipſo promontorio & alibi inter ſaxa *Philo-Briggs* dicto copioſè reperiuntur; at admodum difficulter è ſaxis eximi poſſint.

De Tabulis æneis emendanda.

N. B. Qui piſturas in ære incifit, is cò maximè erravit, quod omnium Turbinatorum volutas inverſit: adeoq; quorum apertura jam dextram ſpectant, ſic intelligi debent, ac ſi levam reſpicerent: & contrâ de alijs, quæ contrarium poſitum in Tabulis ſervant, exiſtimandum eſt.

Figurarum

Figurarum

Tabula novae, cum Appendice edita, explicatio.

1. *Musculus Tituli xxxi. Appendicis.*
2. *Musculus Tituli. xxx. App.*
3. *Musculus Tituli. xxix. App.*
4. *Musculus Tituli. xxx iii. App.*
5. *Musculus Tituli. xxx iiii.*
6. *Musculus Tituli. xxxii.*
7. *Buccinum Tituli x. de Cochleis terrestribus.*
8. *Concha Tituli xxvi. Appendicis.*
9. *Solenites. Appendicis.*
10. *Sutura ex latere Tituli xi, De lapidibus Turbinatis.*
11. *Sutura ex Spina Tituli. v. De lapid. Turb.*
12. *Sutura ex latere alicujus non descripti.*
13. *Echinus minor. Appendicis.*

17

1. The first of these is the

2. The second is the

3. The third is the

4. The fourth is the

5. The fifth is the

6. The sixth is the

7. The seventh is the

8. The eighth is the

9. The ninth is the

10. The tenth is the

11. The eleventh is the

12. The twelfth is the

13. The thirteenth is the

